

30.April. 2019

UPA2019/63

Sinerissap qanittuani aalisariutit isaterneqarneranni akileraaruteqaataajunnaarnissaannik Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jens Napatok, Partii Naleraq)

Sinerissamut qanittumi aalisariutit pisoqqat isaterneqartarnerinut tapiissutit akileraaruteqaataajunnarnissaannik Inatsisartunut ilasortap Jens Napatok-mit siunnersuutigineqartumut, Siumumiit quttsavigaarput aammalu Naalackersuisut akissuteqaataat ilanngullugu imaatunik oqaaseqarfigissavagut.

Siumumiit siullertut oqaatigissavarput isaterisitsisarnermut tapersiisariup pilersinneqarsimanagera tapersorsorluinnaratsigu, tamatuma kingunerisaanik angallatit nutaanngilisut isaterneqarsinnaanissaannik aqutissiussisoqarmat, aamma tassanga inuussutissarsiummik unititsiniartut eqqarsaatigalugit ilaatigut utoqqalinerminnik peqquteqartumik, aammalu ingerlatinerminnik anikillilererusuttunut.

Qujanartumilli aamma ilaqarput isaterisitsinermit periarfissat atorluarlugit ingerlaqqikkusutunik ingerlaqqittunillu suliffissanillu pilersitsiortoqataasunik, naluneqanngitsutullu isaterinissamut tapersiisariup arlaleriarluni naleqqussarneqartarsimanagera aamma naleqqussartuarnissaa avaqquneqarsinnaangilaq.

Ataqqinartuq Inatsisartunut ilaasortaq illit nammineq "tapiisutit" qanoq paasivigit, isertitatut imaluunniit tunissutitut, tassa uani qulequtarineqartumi tunngaviusoq, angallatit ukiorpassuarni inuussutissarsiornermi atornerqarnerminni ajutoornissaminnut sillimmaserneqartarput ajoraluartumilli atorunnaarumaarnissaminnut sillimmaserneqarneq ajorput.

Assersuutigalugu Inuit anerningernissaminnut sillimmarsersinnaaput taakkulu akileraaruteqaataangillat, angallatilli aserorterneqarumaarnissaminnut sillimmateqaratik tapiissutillu isertitatut isigineqarlutik tassa akileraaruteqaataasussaallutik.

Taamaatumik Siumumiit una suliassaq peqqissaartumik sularineqarsinnaaqqullugu ataatsimiitaliamut susassaartumut suliassanngorlugu ingerlatipparput, ataatsimiitaliarlu sulilluarnissaannik kissaallugu.

Henrik Fleischer, Siumut